



Skýrsla um samráð

Efni samráðs

Grænbók um byggðamál.

Samráð hófst

29. desember 2020

Samráð lauk

25. janúar 2021

Fjöldi umsagna

18

Umsagnaraðilar

Alls bárust 18 umsagnir. Flestar, eða 13 talsins, komu frá sveitarfélögum og samtökum þeirra. Þrjár umsagnir komu frá hagsmunasamtökum, ein frá opinberri stofnun og önnur frá einstaklingi.

Samantekt um umsagnir og viðbrögð

Grænbók um byggðamál var birt í samráðsgátt Stjórnarráðsins til umsagnar í lok desember 2020 og lág frammi í fjórar vikur. Tilgangur hennar er að hvetja til umræðu um stöðumat, viðfangsefni og framtíðarsýn, ásamt áherslum og leiðum til að ná því fram.

Alls bárust 18 umsagnir. Umsagnirnar eru almennt jákvæðar og uppbyggilegar og verður tekið tillit til þeirra við þá vinnu sem framundan er. Almennt voru umsagnaraðilar ánægðir með verklagið sem viðhaft var við gerð grænbókar og samráðið sem því fylgdi.

Af umsögnunum að dæma er sátt um þá framtíðarsýn, helstu áskoranir og lykilviðfangsefni sem sett voru fram í grænbókinni. Það sama má segja um þær áherslur og leiðir til að ná fram framtíðarsýn og fylgja eftir lykilviðfangsefnum og skilgreindum áherslum. Þá má jafnframt segja að sátt sé um stöðugreininguna sjálfa. Þess ber þó að geta að í umsögn nokkurra sveitarfélaga og landshlutasamtaka kom fram að greining upplýsinga niður á landshlutana átta gæfi ekki endilega rétta mynd þar sem staða einstakra svæða og sveitarfélaga innan landshluta gæti verið mismunandi. Tekið er undir það sjónarmið og bent á að í flestum tilvikum liggja fyrir aðgengilegar upplýsingar sem eru greinanlegar niður á einstök sveitarfélög.

Auk framangreinds komu eftirfarandi atriði meðal annars fram í umsögnum:

- Í flestum umsögnum er tekið undir mikilvægi samhæfingar opinberra áætlana.

- Áhersla er lögð á áframhaldandi uppbyggingu innviða.
- Áfram verði unnið að jöfnun aðgengis að þjónustu fyrir alla þannig að fólk hafi raunverulegt val um búsetu. Góð brýning þar að lútandi kom frá Öryrkjabandalagi Íslands.
- Almennt var ekki komið inn á einstakar aðgerðir byggðaaætlunar, en þó var hvatt til þess í nokkrum umsögnum að fylgja betur eftir aðgerðinni „Störf án staðsetningar“.
- Auka tengingu byggðaaætlunar og sóknaráætlana landshluta og efla og nýta betur stoðkerfið sem fyrir hendi er í landshlutunum, m.a. til stuðnings við nýsköpun.
- Einn umsagnaraðili hvatti til þess að aðkoma atvinnulífsins að umræðu um byggðapróun yrði aukin.
- Nokkrir umsagnaraðilar hvar hvatt til þess að fjölga fólki sem býr utan höfuðborgarsvæðisins í stjórnnum, nefndum og ráðum á vegum ríkisins.
- Bent á og gagnrýnt að samkvæmt fjármálaáætlun 2021-2025 er gert ráð fyrir lækkun framlaga til byggðaliðar.
- Vinna með þá veikleika á núverandi byggðaaætlun sem bent er á í grænbókinni.
- Styðja við styrkleika og tækifæri svæða/landshluta til sjálfbærrar uppbyggingar og þróunar.
- Vinna þurfi með loftslags- og umhverfismálin og tengja uppbyggingu lífræns hringrásarhagkerfis.

Að loknu samráði

Við mótun hvítbókar og þingsályktunartillögu verða grænbókin og þau atriði sem fram komu í samráðinu höfð til hliðsjónar. Fundað verður með stjórnendum í öllum ráðuneytum og vinnufundir í kjölfarið varðandi einstaka málaflökka, með það að leiðarljósi að samhæfa byggðaaætlun og aðra stefnumótun ríkisins sem hefur áhrif á byggðapróun. Stýrihópur Stjórnarráðsins um byggðamál fer með stórt hlutverk í þeirri samhæfingu.

Fundað verður m.a. með landshlutasamtökum sveitarfélaga, Sambandi íslenskra sveitarfélaga og alþingsmönnum við vinnslu hvítbókarinnar og fimm ára aðgerðaaætlunar. Gert er ráð fyrir að þeir samráðsfundir fari fram í mars og að hvítbók verði lögð fram í samráðsgáttina seinni hluta marsmánaðar og tillaga til þingsályktunar verði lögð fram í maí 2021.